

中國方志叢書·華中地方·第五五〇號

據


明·張元忬撰
明萬曆三年刊本

影印

浙江省

會稽縣志

5625/02



成文出版社有限公司印行



10096588

中國方志叢書·華中地方·第五五〇號

據

明·張元忬撰
明萬曆二年刊本

影印

浙江省

會稽縣志

(二)

成文出版社有限公司印行



中華民國七十二年三月臺一版

會稽縣志

共二冊

發行人：黃

成

助

出版者：

成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：

上林彩色印刷有限公司

台北市大理街145號

新聞局出版登記證：局版台業字第一一四三號

原稿缺

道舉蓋天地之權有所不行於
假吏以濟之是道也高冠而談
則徃徃若有若無雜見而錯於
治者固不相謀耶其殆未知天地之與長吏交相濟
以為治之理矣而今四書中所列正其義也是義也
非太史不能闡非令君不能信之深而行之敏若是
噫吾於是而有以卜會稽之治矣


時

萬曆三年三月吉日

賜進士中憲大夫知紹興府事前兵部武庫清吏司

郎中滇南彭富撰





會稽志敘


皇明賜進士文林郎南京刑科給事中龔會稽人祥符揚節撰

邑之貴志非特為令者取舊政之可師與才賢之可表於以佐化理於一二而遂已也蓋將察風俗之美惡稽物產之沃瘠驗戶口稼穡之登耗約徭賦之重輕與山川水旱之所由以出利而入弊時調劑而張弛之殆舉百里之大聚方冊中目注心營而坐致其理不煩下堂而得之此邑之所以貴志者貴綱舉而目不能逃也然其道雖全而寡驗即驗且緩不若簿書期會與奔走將迎之事一得則共指以為得一失

則共指以為失其為效明而且速也惟其如此是以仕者徃徃多急於此而忽於彼即有志於為其全亦泄泄然倏然雲興忽然風散矣余昨叨會稽者三年既而覺志之貴於邑者如彼已上記白省中將料費設館頗有端緒顧謬以

名行矣繼余者為丹徒楊侯首下車值太史張公在告以圖之而書遂成至是謬以序來屬予讀之感曰是書也余當時頗以不及親舉為已咎及今觀之使當時而果成則未及太史之南安得重孤丘明筆一光簡冊若今日哉然則余之咎殆書之幸也雖然余

始而侯能終之固深幸矣抑余圖於趨
名之終而侯能舉於下車之始余誠不能無媿於侯
之早見也歎



會稽縣志敘

皇明賜進士出身太中大夫行太僕寺卿邑人商廷試撰
夫陳藝表極徵信考衷以鏡得失昭鑒戒者莫善於
志古者小史掌邦國之志而後之志郡邑者宗之是
故則壤成賦本諸禹貢辨方正位稽之周禮紀年繫
事取法史遷體備諸家之作義無列國之史矣而可
易言哉會稽本以山得名又禹所巡也遂以名勝擅
於東南自封建罷而為郡郡析而為邑併分因革世
道污隆於其間矣從而志之以維世也爰稽往牒若
王龜齡之賦工詞翰而少典則陸務觀之誌務該博

而之體要迄今曠闕又三百年矣例以今之會稽事
多不類真麗有定經制莫詳焉在嘉靖初郡守以志
事檄屬縣維時長吏暨文學士一加蒐輯尚無成書
豈事有待而時有會耶萬曆紀元楊侯惺泉蒞茲邑
其為政識先務達遠猷銳意修舉適張太史陽和以
歸省家居遂以志事為請曰此史氏之職也古有立
言以垂不朽唯執事圖之太史氏慨然曰余昔侍家
父夫修山陰志嘗與聞其義矣敢不良圖於是刪訂
舊藁旁採近事定例以正義分門以聚類挈綱以統
目為圖經為年表為傳志為論述釐為一十六卷歷

數月而書成既刊布矣楊侯謂予當序其端予謂太史氏之義例嚴而名實核矣予更何言辭不獲則申告之曰天下者一邑之積也一邑者天下之推也知所以治邑則知所以治天下矣而可無志乎志者政之紀也教之軌也審于斯二者則于治幾矣而不可不知所重乎將欲載之空言不若見諸行事是故觀于戶口之登耗而勞來休息之惠不可不務也觀于賦役之煩簡而劑量均一之規不可不守也觀于土田之腴瘠而改攢冒隱之禁不可不嚴也觀于風俗之美惡而化導轉移之幾不可不審也觀于人才之盛

衰而條教課試之法不可不慎也其他稽星土以察
災祥審形勢以示守禦修陂塘以時蓄泄秩祀典以
昭崇報明職守以敘勲蹟皆志之所以為訓也稽于
古而有獲通其變而使不倦此在司民牧者加之意
而已則斯志也固經世之典也豈待予言而後傳哉

會稽縣志序

皇明賜進士第文林郎知會稽縣事丹徒楊維新撰
會稽以山稱始夏至於今四千有餘年以邑稱始隋
至宋今十有餘年地非不名世非不久長茲土者非
不多也而志則尚缺蓋唐中成時自松陽移令是邑
念之檢禮牘得前令楊公節所圖已有緒可舉遂以
請於太史張公元仲聞六月而書成又四月而竣刻
是為萬曆乙亥之二月余始覽而欣之既復嘆曰會
稽以千餘年之久未有志然而治未嘗不治也志果
關於邑而不可一日缺乎未盡然也然而今之譜奕

者非謂無譜則奕者盡不能奕顧必譜者以為寧譜而備善奕者之或遺毋寧恃其善奕遂決於廢譜而卒果不免於遺也志果無關於邑而可以千餘年缺乎亦未盡然也噫此余之所以必有事於志歟然而前此圖之者亦屢矣而竟不克就又何也旁觀者嚴於責備曰志必超於人如是如是不則不稱任事者苦於得謗曰志必徇於人如是如是不則不免於人言而不知任事者不問其盡稱與不果肯握管以書即不能悉副旁觀者之所云然豈無一二之補不猶愈於歷千有餘年無一字徵於文獻者乎今太史者